



Anthon Frederiksen  
Inatsisartunut ilaasortaq  
Partii Naleraq

**“Sorlak”-mut tapiissutaasartut ikilisinneqarnissaannut suna/suut pissutaappat §  
37 malillugu apeqqtunut normu 266-imiittunut akissut**

16-11-2015  
Suliap nr. 2015 - 14895  
Allak. nr. 1498780

Asasarpur Anthon Frederiksen

Postboks 1029  
3900 Nuuk

Naalakkersuisut Sorlak pillugu apeqqtigisannut qujapput.

Tlf: +299 34 50 00  
Allak.: +299 32 20 73  
Email: lkiin@nanoq.gl  
www.nanoq.gl

**1. “Sorlak”-mut tapiissutaasartut ikilisinneqarnissaannut suna/suut  
pissutaappat ?**

**Akissut:**

Aningaasanut inatsimmi konto pingaarneq 40.94.14-imi, Nuna tamakkerlugu meeqqat inuusuttullu suliniatigiiffiit tapiissutit, Sorlammut tapiissutit nassuiarneqarput. Sorlaap nalinginnaasumik allaffissorneranut aamma pinnguaatit ilaat pillugit inatsit naapertorlugu kattuffiup qinnuteqaatinik suliarinnittarneranut aamma nunani avannarlerni suliaqarnermut atatillugu aningaasartuutitut taamatullu Sorlammut aningaasaliissutit aallaavigalugit Sorlaap inuusuttunik højskolertitsisarneranut 150.000 koruuninik atugassanngortitanut tapiissuteqartoqartarpoq.

Sorlaap Kultureqarnermut Naalakkersuisoqarfimmit Tipsernermit Lottornermillu aningaasaliissutinik ingerlatsinermit amigartoorutitut matusissusissanik ukiunilu siusinnerusuni suliniutissanut qinnuteqaatigineqarsimanngitsunut aningaasaliissutissanik Pulje B-mik pisinnaatitaananit atuisimanera politititut nalunaarutigineqarnikuvoq. Sorlaap tamatuminnga pissuteqartumik 2014-imi allaffissornikkut aqutsineq naalakkersuisoqarfimmut suliarineqartartussanngortikkallarparaa. Taamaalimmat Naalakkersuisoqarfik nalilivoq Sorlaap Pulje B-mut tunaartarisassat atuuttut malillugit suliassani illersorneqarsinnaasumik suliarisinnaajunnaarai, taamaammallu aalajangiilluni Inatsisartut inatsisaat nr. 10, 22. november 2011-meersumi § 2, imm. 2-mi nr. 2 naapertorlugu Pulje B-mik allaffissornikkut aqutsineq tiguneqassasoq. Oqaatigineqassaaq Naalakkersuisoqarfik ingerlaatsip ingerlanera tamaat Namminersorlutik Oqartussat kukkunersiuisartuunik allaneersunik Pulje B-mut aningaasaliissutit suliarineqartarnerat taamatullu tamakkununnga tunngatillugu kukkunersiuisartut allaneersut suleriaasissatut naatsorsuutigisaat pillugit qanittumik oqaloqateqartuaannartarsimammat.

Pisortaqarfiup tigusinera 2015-imut aningaasanut inatsisikkut konto pingaarneq 40.94.14-imiit, Nuna tamakkerlugu meeqqat inuusuttullu suliniaqatigiiffiit tapiissutit, aningaasanut inatsimmi tapiissutiniit aningaasanik nuussinikkut malitseqartinneqarpoq, taakku annertussuseqarlutik konto pingaarneq 40.01.01-imut, llinniartitaanermut, Kultureqarnermut, Iisimatusarnermut Ilageeqarnermullu Naalackersuisoqarfik, sulianik suliarinnittartumut aningaasartuutit. Tassa Sorlak peqatigiiffittut ingerlatsinermut tapiissutinik ikilisaaffigineqarsimangilaq. Imaapporli Sorlak peqatigiiffiup naammassisinnaangisaanik allaffissornikkut suliaasanik arsaarneqartoq, aningaasallu suliaasat suliarinissaannut tunniunneqarsimagaluartut immikkoortortaqarfimmu maannakkut suliaasanik suliaqartumut nuunneqarlutik.

**2. Tips-ernermit lotto-rnermiillu aningaasat pissarsiarineqartartut, meeqqanut inuusuttunullu suliniutinut tunngasut peqatigiiffinnut qassinut ukioq manna agguanneqarpat ?**

**Akissut:**

Naalackersuisut § 37 malillugu apeqqutini kalaallisut allassimasut aallaavigaat, tassami danskisuuata kalaallisuuatalu akornanni assigiingittoqarmat.

Ullumi ulloq tikillugu agguanneqarsimapput. 2.019.677,75 koruunit pulje B-miit.

**Tips-ernermit lotto-rnermiillu aningaasat pissarsiarineqartartut, meeqqanut inuusuttunullu suliniutinut tunngasut peqatigiiffinnut qassinut ukioq manna agguanneqarpat ?**

**Akissut:**

Pinnguaatit ilaat pillugit inatsit nr. 223, 22. marts 2011-imeersumi § 35 pillugu Kalaallit Nunaannut inatsit malillugu danskit naalagaaffianniit aningaasanik aningaasat 2011-mi nuunneqarsimasut amerlaqataannik ukiukkaartumik nuussisoqartassaaq. Aningaasat tiguneqartut Inatsisartut inatsisaat nr. 10, 22. november 2011-meersoq malillugu agguanneqartassapput agguaassinermut najoqqutassaq § 1-imi allassimasoq malillugu. Isertitat taakku 13,6 procentii Tipsernermit Lottornermillu aningaasaliissutinit pulje B-meersunit agguanneqassapput, 2015-imi aningaasat 3.930.681,79 koruuniupput, tunaartarisassat atuuttut malillugit agguanneqarsinnaasut.

Ukiuoorumik pingasunik qinnuteqarnissamut periarfissaqarpoq, ataaseq ingerlatsinermut tapiissutissanut marlullu suliniutinut tapiissutissanut

Ataatsimut isigalugu peqatigiiffinnut aamma nuna tamakkerlugu suliniaqatigiiffinnut assigiingitsunut qulingiluanut agguaassisoqarsimavoq.

Taamaalilluni ulloq 18.09.2015 tunaartarisassat atuuttut malillugit tamakkerlugit 2.019.677,75 koruuninik agguaassisoqarpoq. 2015-imi qinnuteqarfissat marluk suli agguaassivigineqangillat, septembari, decembarillu naanerani ingerlatsinermut tapiissutissanut qinnuteqarfissaq.

### 3. Peqatigiiffiit apeqqummi nr. 2-mi peqatigiiffiit qassit qinnuteqarpat ?

#### Akissut:

Peqatigiiffiit qassit tapiissutissanik qinnuteqaateqarsimanersut paaserusunneqarnerattut apeqqut paasineqarpoq, akissutissaavoq nuna tamakkerlugu soqutigisaqaqatigiiffiit peqatigiiffiillu Tipsernermit Lottornermillu aningaasaliissutinik Pulje B-meersunik katillugit arfineq pingasut qinnuteqarput.

Pulje B-mi immikkoortoq 2.1-imut tunaartarisassani immikkoortoq 2 malillugu qinnuteqaateqartunut piumasaqaataavoq:

- meeqqanut inuusuttunullu soqutigisaqaqatigiiffiussasoq peqatigiiffiussasorluunniit; tassa imaappoq ikinnerpaamik ilaasortat affaat 30-nik ukioqalersimassanngillat,
- timersornermut tunngasuussanngitsoq; tassa imaappoq timersornermik siunertaqassanngitsoq imaluunniit
- pingaarnertut suliarineqartartut allaluunniit timersortartut kattuffiannut peqatigiiffiannulluunniit atatillugu tapersersuisutulluunniit pilersinneqarsimassanngitsut, killilikkamik ilaasortaqaassasoq peqataasut sunnuteqaqataanissaannik qulakkeerinniffiusumik,
- inunntut ataasiakkaanut aningaasaatinik sinneqartoortinilluunniit agguaassisooqartassanngitsoq, aamma taamatullu soqutigisaqaqatigiiffiit peqatigiiffiilluunniit sulinerannit malittarisassat nalinginnaasut malissallugit, taamatuttaaq akuerisaasunik malittarisassaqaassalluni, siulersuisooqassalluni ilaasortanik allattugaateqaassalluni ataatsimeersuuartarlunilu.

### 4. Peqatigiiffiit qassit qanoq pissarsitinneqarpat ?

#### Akissut.

Maannakkumut 2015-imi suliniutit uku tapiiffigineqarput:

Ateq	Aningaasartai
Sorlak	957.500
Sukorseq	300.000
Atassutip inuusuttai	180.000
Jonna Q/Elias j.	113.937
NAIP	41.580
Otto Frederiksen fond	10.000
SIS - Siumup inuusuttai nuna tamakkerlugu	226.660,75
IMCC.sex	20.000
Sisimiuni kaalattoortartut	170.000

Suliniutissanik qinnuteqaatit 15. september 2015-imi tiguneqartut (Tipsernermut Lottornermillu Ataatsimiititaliamit naliliiffigineqassapput)

Ateq	Aningaasartai
SIS Siumup inuusuttai nuna tamakkerlugu	35.000,00
Sukorseq	270.000,00

Sorlak	390.000,00
NUIF	170.894,00

Qinnuteqaatit Tipsernermut Lottornermullu Ataatsimiititaliamit naliliiffigineqassapput. Nuna tamakkerlugu soqutigisaqaqatigiiffinnut peqatigiiffinnullu ingerlatsinermut tapiissutissanik qinnuteqaatinut killiliunneqarpoq 15. december 2015, ullumikkullu ulloq qinnuteqaatinik tigusaqartoqarsimanngilaq.

Inussiarnersumik inuulluaqqusillunga

Med venlig hilsen



Nivi Olsen